

Artickel etlicher

Zucht vnd guter Sitten / bey den Jungen Studenten / so in gemelte vnserer Vniuersitet zu studieren oder zu lernen verschickt vnd vnterhalten werden / sich etlicher notwendiger Ordnungen vnd Satzungen semplich miteinander vereiniget vnd vergliechen / Welche fürnemlichen dahin gericht / wie sich die Jungen Studenten mit der Kleidung / wandel vnd leben / desgleichen in iren Herbergen / vnd sonst allenthalben / erzeigen sollen / Wie es auch in der Stad Wittenberg mit den Verlöbniß / Hochzeiten / vnd andern / zu halten / vnd was massen die verbrecher zu straffen / Vnd dervwegen gebeten / das wir solche ire Ordnung zu auffnehmung vnd gedeihe vnserer Vniuersitet / annehmen vnd bewegen / vnd inen dieselb / als der Landsfürst / gnedigst confirmieren vnd bestetigen wollen / Das wir dieselben von inen angenommen / gesehen / vnd bewogen / welche denn von wort zu wort also lauten / wie nachfolget :

E kan nichts herrlichers von Menschen gesagt werden / denn das er zum Bilde Gottes geschaffen / welches Gotte gleich sey / Denn vnter allen Gottes Geschepffen dis das herrligste ist / welches er zu seinem Bilde geschaffen hat. Dis Bild ist aber durch den Satan jemerlichen verderbt / also / das in denen / welche durch den heiligen Geist nicht von newem geborn / nicht Gottes Bilde / sondern die Sünde leuchtet

tet